

NASORGREÛLS (2021)

Graad R – 3 nasorg is by die Chris Viljoen Nasorgsentrum by die skool en graad 4 – 7 by die Dennis Knoetze Nasorgsentrum te Geraldstraat, die sportterrein.

1. **Die skoolreëls is ook van toepassing in die nasorgsentrum.**
2. Alle nasorgleerlinge moet skriftelike toestemming van hul ouer(s)/voog(de) verkry om die terrein te verlaat: die dag, datum, plek van besoek en die tyd terug by die nasorg moet daarop aangedui wees. Die brief moet aan die toesighouer getoon word en deur haar geteken word. Dit kan ook in die huiswerkboek geskryf word.
3. Alle graad 3- tot 7-leerlinge gaan daagliks na hul onderskeie studielokale vir studie- en voorbereidingswerk. Elke groep het sy/haar eie toesighouer.
4. Die studieure is soos volg: Graad R toesig vanaf 13:00
Graad 1 tot 2 studie vanaf 13:45 – 14:15 behalwe Vrydae
Graad 3 studie vanaf 14:30 – 15:30 behalwe Vrydae
Graad 4 – 7 studie vanaf 15:30 – 17:00
Leerlinge kan daagliks na studie verder huiswerk doen tot 17:00.
5. Ouers moet nog steeds hul kinders se huiswerk kontroleer.
6. Leerlinge moet met die nodige respek en beleefdheid teenoor personeel en mede-nasorg-maats optree.
7. **Ouers moet leerlinge stiptelik kom afhaal. Leerlinge wag binne die skool-/sportterrein langs die nasorglokaal tot 17:30.**
- 7.1 Indien u sou versuim om u kind(ers) teen 17:30 af te haal, sal u hieroor 'n waarskuwing ontvang. Daarna tree die volgende boete in werking: 'n R50 spotboete tot 17:45, daarna R10 vir elke 5 minute wat u later kom. U betaal op dieselfde dag die boete direk aan die verantwoordelike nasorgpersoneel. 'n Kwitansie sal aan u uitgereik word. Na 3 waarskuwings word u kind nie meer in die nasorg toegelaat nie.
8. Ouers moet self voorsiening maak vir hul kind(ers) se etes. Die snoepie sal wel vanaf 16:00 by graad R – 3 en by graad 4 – 7 direk na skool (by die Snoepie) tot 14:30 oop wees.
9. Ons aanvaar geen aanspreeklikheid vir items wat verlore raak as tasse in die skool rondstaan nie. Die alarm word stiptelik om 17:30 gestel en leerlinge wat items vergeet het in klasse moet dit die volgende oggend afhaal.
10. Alle nasorg-leerlinge verdaag deur dieselfde uitgang in Hudsonstraat/Geraldstraat. Geen ander uitgange mag gebruik word nie.
11. Indien ouers kinders by sport afhaal moet die nasorgtoesighouer daarvan in kennis gestel word sodat leerlinge uitgeteken kan word.
12. Leerlinge moet **VOOR EN NA BITEMUURSE AKTIWITEITE** by hul die verskeie nasorg-toesighouer aanmeld sodat dit op die register aangeteken word. Leerlinge moet ook die nasorg-toesighouer in kennis stel indien hulle direk na skool huis toe gaan met 'n e-pos, sms of skriftelike toestemming, asb.
13. Ouers moet asb. alle kledingstukke en ander eiendom van leerlinge sorgvuldig merk om verliese tot 'n minimum te beperk.
14. Alle navrae moet asb. aan nasorg of die skoolhoof gerig word. Voorkom asb. enige onsekerheid of enige probleem deur dadelik met bogenoemde persone te skakel.
15. Dringende boodskappe wat die nasorg-leerlinge raak kan d.m.v. die volgende nasorgnommers gemaak word: **NASORGNOMMERS: 072 400 9125 : graad R – 3 en 082 455 6456 : graad 4 - 7.**
16. Afhaal van leerlinge: indien iemand anders u kind by nasorg moet kom afhaal, moet u ons asb. skriftelik in kennis stel. U kan dit ook persoonlik aan die personeel oordra. Die persoon wat u kind dan kom afhaal moet egter die uittekenregister voltooi. **Geen senior nasorgleerling mag by junior nasorg agterbly nie.**
17. **NB: Ouers word gevra om die kennisgewings op die deur te eerbiedig. Ouers word nie binne die nasorg-lokaal toegelaat nie.**

GEDRAGSKODE

Alle nasorg-leerlinge moet ook daarna strewende om in die gees van die Laerskool Newtonpark se gedragskode op te tree.

NASORGPROGRAM

Ons vertrou hierdie program sal daartoe bydra dat ons kinders middag nuttig en sinvol hierdie aktiwiteite sal geniet. Daar word jaarliks genoeg nuwe speletjies aangekoop waarmee leerders middag na studie besig gehou word.

GRAAD R

13:00 – 13:30	Verversings, ete, verkleed vir sport en of studie.
13:30 - 14:00	Rus en oppak.
14:00 - 16:30	Buite-apparaat spele. Opvoedkundige binne-speletjies, TV/Video.
16:30	Oppak en gereed om afgehaal te word.

GRAAD 1 EN 2

13:30 – 14:15	Verversings, ete, verkleed vir sport en of studie. (13:45 tot 14:15 studie)
14:15 - 16:30	Graad 1 en Graad 2: Aktiwiteite saam met Graad R, Speletjies/Video.
16:30	Oppak en gereed om afgehaal te word.

GRAAD 3

14:00 - 14:30	Verkleed en verversings.
14:30 - 15:30	Studietyd: Eksamentyd tot 16:00/Sport.
15:30 - 16:30	Speletjies/Video/Vryetyd.
16:30	Opruim en vertrek.

GRAAD 4 – 7

14:30	Vertrek van skool (Graad 4 tot 7 beweeg af na sportklubhuis)
15:00 – 15:30	Aantrek en eet
15:30 – 17:00	Studie

VOORSITTER: BEHEERLIGGAAM